



BIBLIOTHECA  
UNIV. JAGELL.  
CRACOVENSIS

3102



II





3102

П





3102

III

P

542

Sepulchri.

poetya.

Jolecki Alex: In pervetustae Basilicae Mlicchovi-  
ensis sacrosancti Dominici Sepulchri instau-  
rationem — carmen. 1791.

Z. III. 52.



Skryta prosiel  
K 101/XXXV/67

IN

PERVETUSTAE BASILICAE

MIECHOVIENSIS

SACROSANCTI DOMINICI SEPULCHRI

INSTAURATIONEM

Alexandri Solecki Canonici Regularis

Hierosolymitani, Curati Urzejovicensis

ad Premislam Galliciae.

CARMEN.

Superiorum permissu

Cracoviae, Typis Antonii Grebel Anno MDCCXCI.



3102 II



Quis in vobis est derelictus, qui vidit Domum istam in gloria sua prima?  
Et quid vos videtis hanc nunc? Magna erit gloria Domus istius novissimae,  
plus quam primae.

*Aggaei Cap. II. V. 5. & 10.*

Ergo dum novam constructionem sanctae hujus Ecclesiae libenter attendimus, . . . invenimus à nobis, deberi, & Deo nostro maximam laudem, & congruum de Divinae Domus aedificatione sermonem. Principaliter ergo gratias agamus Domino Deo nostro . . . quoniam ad construendam Domum istam rationis, Fidelium suorum . . . excitavit affectum, surrogavit auxilium . . . Adhuc autem amplius agenda sunt gratiae Deo nostro. Hanc enim Ecclesiam, quam fecit nomini suo construi, fecit etiam Sanctorum Martyrum Reliquiis amplius honorari.

*S. Augustinus Serm. 256. de Tempore.*

Condidit Henricus, (a.) cumularunt caetera Patres,  
Sors quaecunque fuit, saecula quinque steti.  
Diripuit quoties hostis? quotiesque flagravi?  
Et quis non nobis insidiatus erat?  
Extremum perii crudelibus ignibus halans,  
Et cinis est hodie, qui fuit ignis heri.  
Cur tamen impatiens causam mea fata vicesque?  
Si modo cultura splendidiore feror.  
Unica sic Avium (Assyrii Phaenica vocarunt).  
Ignibus & cineri fit rediviva suo. (b).  
Quid lacrymis Jacobo (c.) luis miserabile Templum?  
Ustaque deploras tecta laresque tuos? Sic.

(a.) Primum in Miechoviensi solo Templum stetit ab Anno 1160. cura Martini Galli Canonici Hierosolymitani, (cujus nomine res antiquissimae Polonorum scriptae circumferuntur, quarum manuscriptum Varmiensium Dux & Episcopus Grabowski ex Bibliotheca Miechoviensi in suam Heilsbergensem translatus, typo dedit) Matthaeo Pontifice Cracoviensi Delubro sacro primum lapidem imponente; Boleslao Crispo summo Principe Polonorum operi favente; Jaxa Gryphio Comite de Miechow largissima subsidia ferente. Humilibus quidem & angustis muris, pro more temporum illorum, quadro & tabulato ab intra, cocto vero ab extra lapide extructum. Sed Henricus Quintus in Ordine Praepositus Miechoviensis circa Annum 1233. majori commodo Gentis fidelis devotionis ergo ad veneranda sacra pignora huc ab Hierosolymis translata confluentis, videns angustiam prioris illius Templi, aliud longe augustius excitavit, Vislao Episcopo Cracoviensi lapidem fundamentalem sacrans; Innocentio vero Papa IV. Indulgentias in Anniversarium Dedicationis ejus diem largiente.

(b.) Una est, quae reparet, seque ipsa reseminet Ales,

Assyrii Phaenica vocant . . .

Haec ubi quinque suae complevit saecula vitae,



Sic erat in fatis! Opus est peritura perire;  
 Illusit quoties sors quoque dura Sacris.  
 Cerne superbificum Salomonis dives ab auro  
 Templum, quô nullum sanctius Orbe fuit.  
 Heus quoties arsit? periit? quotiesque revixit?  
 Nunc quoque, si explores, vix locus esset ubi!  
 Nil constans habet Orbis, habent nil maxima rerum  
 Facta; Virumque labor disperit, aut teritur.  
 Dic ubi nunc Mundi septem portenta tumentis?  
 Aeternaeque Urbis prodigiosa strues?  
 Vicit ut haec Mundum, passa est se denique vinci,  
 Invictum fragili ne quid in Orbe foret.  
 At tua Te meliora manent Jacobe, tuosque  
 Fata Viros. Nondum res tua succubuit.  
 Imo age, labor enim quando haec Te cura remordet,  
 Pulchrior a casu hoc, mox erit alma Domus.  
 Nempe ubi nunc pullo squallet sub pulvere moerens,  
 Et turres altae, ruptaque saxa gemunt;  
 Exsurget tandem pulcherrima pegmate celso,  
 Vicinumque polo tollet in astra caput.  
 Tu dabis ipse novam compagem moenibus altis,  
 Illiusque sinu funera habebis ovans. (d.)

Nam

Se superimponit, finisque in odoribus aevum,  
 Fertque pius cunasque suas patriumque sepulchrum.

*Ovidius Metamorph. Lib. XV.*

(c.) Omnium equidem maximo luctu & clade, sed imprimis JACOBI RADLINSCHII  
 Generalis Praepositi, Civitas Monasterium & magnificum Templum misera-  
 bili admodum periit incendio, Anno Christi MDCCXLV. Die 19. Aprilis, quae  
 fuit altera sacri Paschatis dies.

Nam tua, qui excipiet Florianus signa decusque,  
 Atria pulchra dabit, splendida tecta dabit. (e.)  
 Illeque succumbet. Meus at Matthaeus, ut illum  
 Constituent Coetus Numina cara Patrem  
 Sumptibus immensis dabit in fastigia molem,  
 Ingentisque operis gloria finis erit. (f.)  
 Scilicet inter tot curas, summosque labores,  
 Miechoviae Templum prima Parentis erit.  
 Ruderibus purgabit atrum niveumque colorem  
 Induet hunc, quali nobile fulget ebur.  
 Appendet mediis in moenibus aurea priscae  
 Simbola Virtutis, Stemmata sancta Ducum (g.)  
 Hinc Aquilas Regum Patriae, Fideive Domorum  
 Altrices, Gryphem magnanimumque leges

JAXAE,

(d.) Postquam parietum columnarumque interioris Templi structuram JACOBUS  
 eduxerat, obiit placidissimam mortem Die 3. Januarii, Anno Ordinis sae-  
 culari sexies in Polonia evoluto, Christi MDCCLXII., veterique ejusdem  
 Templi illatus Sepulcro.

(e.) JACOBO, FLORIANUS BUYDECCIUS successerat, qui integro, quô prae-  
 fuit triennio, Templum lateritio tecto; Turrim minorem aere contexerat;  
 Porticum insuper elegantissimam, sed inchoatam duntaxat addiderat. Caeterum  
 dum haec meditatur agitque, praecclaris conatibus immoritur Kalendis Au-  
 gusti, Anno MDCCLXV.

(f.) MATTHAEUS GASPAR BUYDECCIUS, ex quo primariam Ordinis Praefe-  
 cturam est consecutus, perficiendo ornandoque Templo, omnem usque adeo  
 impendit operam & elegantiam, ut illud inter nitidissima & pulcherrima  
 Poloniae Templa haud immerito reponi debeat.

(g.) Inter caetera monumenta gratitudinis, quibus erga Benefactores Majores  
 nostri usi sunt, ea quoque singularis eorum pietas fuit, ut appositis in ve-  
 teris Templi praecipuo Sacello eorundem Stemmatis, memorem ipsis



JAXAE, qui primus CUSTODES intulit oris, p. 101  
 Poloniae, haecque illis sacra stativa dedit. (h.)  
 Prima tibi occurrent Sapiens Principis arma, sup. 11  
 Aurea saecula vovent Clavibus & Aquilis. (j.)  
 Ille Sacer Poniatovius hic cernere Taurus, sup. 12  
 Pacis & Imperii prospera signa jubet; ineq. 1  
 Qui Coelis rutilum addidit inter sidera lumen, (k.) 2  
 Remque Polonorum Numinis auget ope. 11  
 Sic firmat Stanislaus Augustus Sacra Divorum; 11  
 Sic Patriae Patri, terra polusque litat. 11  
 Novit Matthaeus, quā Rex pietate niteret, 11  
 (l.) Cujus sub Scepbris tot monumenta starent. (l.)  
 In Templo nostro, quāe fulgent Stemmata Regis, 11  
 Et Procerum signis; Tessera grati animi. 11  
 Fas est Poloniae quando res salva resurgit, (m.)  
 Matthaeum Vatem post sua fata canas. (n.) 11

Caetera  
 semper testarentur animum. Eorum longam seriem exhibuit Samuel Na-  
 kielskius *Classe rima Miechoviae* Pag: 63. Nunc quoque pleraque ex his,  
 sed alio cultu, loco, & magnificentia, visuntur.

(h.) JAXA Gryphius, illustris olim Ducum Serbiae propago, Comes in  
 Miechow, cum Anno circiter MCLX celebrem illam militaremque ad Se-  
 pulchrum Domini instituisset peregrinationem, redux ē Terra Sancta, unum  
 de Canonicis Sanctae Patriarchalis Hierosolymitanae Ecclesiae Martinum  
 Gallum secum devexit Miechoviam; Unde Canonicorum Custodum Sepulchri  
 Christi per Poloniam vicinasque Provincias origo & Coloniae.

(i.) Rex Sapiens STANISLAUS AUGUSTUS aequo animo Cleri atque Civium  
 iura tuetur.

(k.) Taurus Poniatovianus collocatus est inter Constellationes ab Astronomis.

(l.) Ecclesia Miechoviensis restaurabatur potissimum temporibus felicissimi Im-  
 perii STANISLAI AUGUSTI.

Caetera per circum stabunt tabulata nitenti tot armenta  
 Auro, & per dociles effigiata manus  
 Marmoribus constrata suis vestigia Templi  
 Magnorum Patrum prisca Sepulchra regent  
 Ipsa repercusso radiabit lumine moles, sup. 11  
 Undique cristallis lucida, pura, nitens. 11  
 Nam quā oritur Sol parte, nitet, quaque occidit, ardet,  
 Dixisses spectans Regia Solis erit. 11  
 Iustitiae sanē. Nani quanta est, quanta nitescit, 11  
 Numini id a tanta mole paratur opus. 11  
 Quippe Aras Divum pretioso schemate celsas, 11  
 Per latus utrumque hic, indeque constituet. 11  
 Hac Deus atque hominum Rex nostra carne jugatus, 11  
 Lugubri Effigie, (Nam morientis erit) (o.) 11

Expansus

(m.) Regeneratio Gentis Polonae Parentis Patriae STANISLAI AUGUSTI Sapiens  
 opera, accidit Die 3. Maji Anni currentis 1791. ob Leges sancitas, quae uti di-  
 vinitus inspiratae & Rei-Publicae perennem felicitatem adserentes, benedi-  
 ctionibus Sedis Apostolicae, cumulantur, & ab universis Europae populis sum-  
 mis laudibus extolluntur.

(n.) MATTHAEUS BUYDECCIUS Praepositus Generalis Miechoviensis diem suum  
 obiit ad exitum Anni 1787. Non ceperat oculis praesentem felicitatem renascen-  
 tis Patriae, cum tamen sub Reg. optimo STANISLAO AUGUSTO omnino futu-  
 ram longe ante vaticinatus est. *Lege & confer cum gestis praesentibus Pa-  
 negyricas lucubrationes nomine Canonicorum S. Sepulchri Typo, excussas;  
 Alteram in Diem Coronationis Regiae 1764; Alteram pro Gabriele Ju-  
 nosza Podoski Nominato Primate ad Stanislaum Augustum Regem, Ora-  
 tore Cyrillo Zuckowski Canonico ejusdem Instituti Anno 1767; Et postre-  
 mam pio Carmine cantatam in exoptatum Adventum Regis Metropolim  
 Cracoviae 1787.*

(o.) De hac admiranda Effigie uberius infra.



Expansus toties dabit & renovabit acerbam  
 Calvariae scenam, funera, flagra, Crucem.  
 O quoties teneras oculis spectantibus undas  
 Exprimet haec, & atri scena doloris erit!  
 Ast illam, quam Sol summo Aram prospicit Axe,  
 Laeta petet, rosea & sede recumbet ovans,  
 Ingentae Prolis Genitrix & Regia Virgo, (p.)  
 Supplicibus magnis dona datura Dei.  
 Hic quoque Constantii praeclari Martyris ossa (q.)  
 Virginis infra Aram conspicienda aderunt,  
 Et cruor exsiccus vitro: spectabile donum  
 Roma tuum: Templi nunc decus & pretium.  
 Mox operis magni fulgens caput atque coronam,  
 Perficiet princeps Ara stupenda Dei.  
 Vertice nam celso sublimibus alta columnis,  
 Attinget summos exspatiata tholos.  
 Umbilico dabit illa thronum & regalia strata,  
 Quaeis recubet tenera nube latens Dominus.  
 Sexque operis nitidi solidata argentea fulcra,  
 Virgineae cerae luce cremanda feret.

Hoc

(p.) Memorabilis quoque haec sacra Icon est: stylo, cultu, lineamentis, celebrem illam, quae Clari-Montis ad Czestochoviam gloria & tutela est, apprime per omnia referens. Opus antiquum, elegans, ac mira quadam gravitate stupendum. Et ne prototypo qua ex parte cederet, gratiis quoque & cultu hominum frequens. Traditio est inter clenodia splendidissimae Domus Pila-vitarum, eam olim peculiari religione fuisse habitam.

(q.) Sacrum Corpus Constantii, Christi Martyris, extractum ex Caemeterio Calisti jussu Benedicti XIV. P. M. Anno MDCCXLIII. Die 26. Novembris, donatum venerabili Ecclesiae Miechoviensi Anno MDCCXLV. Die 7 Septembris. Confer Synopsis Jacobi Radlinscii. pag: 192.

Hoc Tibi Christe, cava qui olim de rupe redisti,  
 Artis & ingenii grande dicabit opus.  
 Fortunata Domus! superis si haud aemula tectis,  
 Aptas sed in terris, quam Deus incoleret.  
 Huc ego non metas rerum, non tempora ponam,  
 Aeternum dures, o Domus alma! licet.  
 Non tu saeve Aquilo, non tu Vulcane cruentus  
 Attigeris quando limina tanta Domus.  
 Tu potius perfla, divinisque ignibus ure,  
 Qui Patris & Geniti faedera jungis amor.  
 Latro cave, praedator abi, fuge miles avare,  
 Sacrilegamque manum contrahe, ne rapias.  
 Huc potius Gentes pergant, huc currite Cives,  
 Et pietate animum pascite: Summus adest  
 Hic Deus, & rerum memoranda insignia, sancti  
 Pars Tumuli, (r) vivae pars quoque magna Crucis; (s)  
 Spinaeque crudelis, (t) quae olim magnum Caput illud  
 Torserat inclemens, elicuitque Rosas.  
 Divinae telluris opes: spolia alma Orientis,  
 Haec sunt, quae prisci olim huc retulere Patres.

Aut

(r.) Carolinensis Episcopus Hyacinthus Verdesca Anno MDCCXLI. Die 10. Januarii; Thomas Severi Archiepiscopus Tricomiensis Anno MDCCXXXIV. Die 20. Augusti particulas de lapide Dominici Sepulchri Miechoviensi Templo dono obtulerant. Sed & alia istius sanctissimae Petrae fragmenta, à priscis advecta Patribus hic reperiri novimus. Consule Muratovium pag: 740. Lib: 3. de Gloria Dominici Sepulchri.

(s.) In Ecclesia Miechoviensi habentur duae notabiles particulae Ligni sanctae Crucis, ex quibus una est Crux efformata = inquit Jacobus Radlinscius in Praefat. ad Elogia Crucis. Vide & Nakielscium Miechoviae pag: 737.

(t.) Vetus Regestrum Reliquiarum Templi Miechoviensis Spinam quoque de Corona Domini recenset.



Aut si te exanimis tangit miseratio Jesu,  
 Illius & tristi funera mente doles;  
 Vestibulo Templi prostat venerabilis urna, (u)  
 Extinctum Dominum plangere, flere, licet.  
 Quot fuerant olim Solimaei ad busta Sepulcri  
 Custodes, alacres hic quoque pervigilant.  
 O quotus hic terrae defiges oscula labris!  
 Advectae Solymis oscula casta dabis:  
 Lipsana Sanctorum veneraberis officiosè,  
 Pignus amicitiae Carole sancte tuae (w.)  
 Indigetes etiam quotquot mea Patria sanctos  
 Edidit, illorum hic ossa minuta latent. (x.)

O mihi:

(u.) Vetustissimum istud Fanum est, conditum opera Thomae de Ilkus XXIV. in Ordine Praepositi Miechoviensis ante Annum MDXXXVIII. Sed & primae-  
 vum Templum sub honore Sancti Sepulchri, tum Sacella & Altaria dedicata  
 fuisse compertum habemus. Confer Venceslaum Mirkievicum in Dissert: de  
 de Antiquit: Officii & Solemnitatis Dominici Sepulchri.

(w.) Peculiare istud sane est, non modo sancta, sed & à sancto Viro Miechoviense  
 Templum habere donaria. Praestitit hoc sanctus CAROLUS BORROMAEUS  
 S.R.E. Cardinalis & Antistes Mediolanensis, suaque manu signavit in gratiam  
 Generalis Praepositi Miechoviensis Andreae de BATHORAEIS Anno MDLXXXIV  
 3. Kalendas Septembris. Consula Nakielscium Miechoviae pag: 736., ubi &  
 Litteras Viri sanctissimi, & qualitatem Reliquiarum, reperies.

(x) De Ossibus Sanctorum Poloniae particulas, una eleganti collectas theca, ha-  
 bet itidem Miechoviense Templum, ex dono posthumo JOANNIS SZEMBEK  
 Varmiensis Principis & Episcopi. = Habet proinde Ecclesia Miechoviensis (in-  
 „ quit, Nakielscius loco laudato) in quo sibi plurimum gratulari debeat, cum  
 „ tot pretiosissimis Sanctorum Reliquiis, velut incomparabilibus margaritis,  
 „ summa Dei gratia dotatam se & exornatam conspiciat, quod non cuilibet  
 „ Ecclesiae concessum videmus. —

O mihi si tanti fas sit contingere semper  
 Limina Delubri & tecta verenda Domûs!  
 Multa cliens venerarer ego, bene multa stuperem,  
 Hic operum genios, hic pietatis opes.  
 Praecipue magnum Coeli terraeque Jechovam,  
 Qui trabe crudeli saucia membra levat.  
 Mirandum artis opus, priscum, & miserabile magno  
 Excessu Domini, prodigiisque sacrum. (y.)  
 Nam Deus ut magnis signat miracula rebus,  
 Hac quoque in Effigie nonne stupendus adest?  
 Saepe etenim extremis colluctans viribus aeger,  
 Huc sua dum spondet munera, convaluit.  
 Saepe dolor, febres, partusque pericula Matrum  
 Cesserunt: Quid mors nonne fugata fuit?  
 Saeva lues, urensque fames, fera bella premebant,  
 Hac Deus afflictis Icone promptus erat.  
 I nunc & jactes laceri miracula mundi,  
 Pondus iners terrarum illa, sed ista juvant.

Mul

(y.) A tempore hominum excedente memoriam, visitur ac colitur in Templo  
 Miechoviano affabre sculpta Christi Crucifixi Effigies, quae Ejus extremum  
 acerbumque agonem viro artificio & pietate exhibet. Eximiae altitudinis  
 illa est & ponderis. Gratis & miraculis celebrem tum sacra anathemata, tum  
 frequens hominum confluxus, ac praecipua sanationum dona testantur. In-  
 ter eventus memorabiles, istud est singulare: Cum oppidum ipsumque Tem-  
 plum inevitabili deflagraret incendio, Anno, uti diximus: MDCCXLV., nemo  
 unus hominum fuit, qui inter tot rerum pereuntium damna, venerandam illam  
 Effigiem non imprimis eruendam censeret ac vellet. Et admotae statim se-  
 cures ac vis hominum, quanta fuit, maxima; sed frustra. Cum ecce, in-  
 gruentibus jam jam ignibus, quidam spectatae probitatis Sacerdos, nec is



Multa hic praeterea cernes anathemata: Testes  
 Grati animi in Jesum, grati animi in Superos.  
 His ego certatim gratus quoque nostra jugarem,  
 Si mihi tam praestans arca, penuque foret.  
 Haud tamen erubeo, tenui si munere magnum  
 Pectoris exigui prosequar hic Dominum.  
 At Tu, qui tantis dederas jam impendia rebus,  
 Quanta Matthaei Tibi munera Diva dabit?  
 Nulla equidem satis hic, quantum reor, illa reponet,  
 Scilicet in supera Sede reposta manent.  
 Et juvat haec aliis temptis ambire Matthaeum,  
 In terris cui erat nulla corona satis.

adeo firmi roboris, grande illud pondus solus evulserit, levaverit, solusque  
 in interius Templi vestibulum humeris suis deportaverit, rem prodigii loco,  
 qui aderant, habentibus. Perstitit eo loci diu sacerrima Effigies, Araeque  
 principis vices obtinuit, donec instaurato jam Templò, paratòque ad id Al-  
 tari magnifico per Rudissimum MATTHAEUM Generalem Praepositum, incre-  
 dibili hominum frequentia, cultu, ac pietate in pristinam sedem, summa  
 omnium religione ac lacrymis illata est Anno MDCCLXX. Die 20. Maji. Con-  
 fer. Conconem sacram. Joannis. Cantii. Laskiewicz. Custodis Miechoviensis,  
 quam occasione ejusdem Translationis habuit, Typisque vulgavit Cracoviae;  
 Ubi & de gratiis obtentis ad hanc venerandam Effigiem, uberius agit.









